

增刻道藏輯要

文昌帝君烹煉抽添火候中品說

有一步功夫名目卽有一步功夫意義有一步功夫意義卽有一步功夫作爲循名繹義作爲乃得否則枉勞心力終歸無濟大抵毫釐千里在所必然維至命之功孰不言煉精者而究其所以煉者則以嚙津設鼎借意用力而已至煉氣煉神亦類多如是無非虛立幻景收斂凡氣焉耳不知雖丹經頻列品類要皆假物比喻究何品類之有惟循名繹義而歸重夫先天者乃有所濟焉如云烹煉烹則不離乎水煉則不離乎火蓋首從事者精也真精卽真水故以烹名又終從事者金也真金需真火

道藏輯要

文帝中品說

四

續斗集一

八上48

故以煉稱如云抽添抽則時乎退也添則時乎進也蓋首占地步者陽也陽生貴陽長故以添名次占地步者陰也陰升貴陽降故以抽稱如云火候火之爲火真陽而已矣候之爲候真息而已矣真火者所以成功也功成則火息真息者所以宰火也火到則息至不有其候不見其火惟有其火卽有其候火與候不相離也候與火實相深也火也候也時而已矣嗟嗟聖學至微也玄理至奧也夫豈後天之凡精凡氣者所能畢乃事哉夫豈質體之濁津濁液者所能竣其功哉是故希賢希聖者不過使真精華而真炁照也是故希聖希天者不過使真炁清而真理空也不華不照欲根不絕不清不空圭角不除華也照也賢

而聖也清也空也聖而天也其視拘拘於凡精凡氣用功者爲何如其視區區於濁津濁液盡力者爲何如一迷昧便不經一好奇便錯誤總之於致知一途宜細心焉知之既真守之自固守之既固行之自力自不爲邪徑旁門所惑矣嗚呼斯事也甚不凡者也惟大根抵人乃有此大智慧惟大智慧人乃有此真知覺惟真知覺人乃有此真功力惟真功力人乃有此真道德夫豈易易哉夫豈易易哉

道藏輯要

文帝中品說

五

續斗集一